

藝談錄

利



粵東詩人眾矣詩亦多矣豈能徧錄吾惟就吾耳所聞目所
接心所藏意所愜者錄之有疎漏俟他日補之茲編雖以少
爲貴然穗城之耆德梓里之舊聞山川景物之瑰奇人情物
理之繁變皆可於此見之勿徒以詩話視之老漁張維屏

藝談錄卷下序

番禺張維屏撰

桂林門人倪鴻校

陳恭尹

字元孝號獨漉順德人諸生

王漁洋

士正 趙秋谷 執信

於廣州詩人尤推重恭尹

廣東通志

杭董浦

世駿

題獨漉畫像云嶺海論風雅平生一瓣香又云

淒涼懷古意豈是屈梁能洪稚存

亮吉

論陳屈梁三家有云

尙得古賢雄直氣嶺南猶似勝江南

聽松廬詩話

摘句

五嶺北來峯在地九州南盡水浮天

卽此兩聯已自不朽貴精不貴多也

海水有門分上下江山無地限華夷

屈華夫

字翁山番禺人

翁山以詩名天下翁山詩原本忠孝根據漢魏包羅六朝三

藝談錄卷下

唐之勝而自寫其性情際遇直駕前明諸作者上

居業堂集

魯連臺詩云一笑無秦帝飄然向海東誰能排大難不屑計

奇功古戍三秋雁高臺萬木風從來天下士只在布衣中

識力之卓氣格之超字句之堅如此五律古今約十數首

梁佩蘭

字藥亭南海人康熙戊辰進士官翰林院庶吉士

藥亭順治丁酉鄉試舉第一詩名已播海內

廣東通志

梁藥亭句云信是帝王州壯麗秦皇墳對漢皇墳是悲壯語

張船山句云美人名士英雄墓一概纍纍古道旁是曠達語

藥亭古詩以養馬行一篇爲最

聽松廬詩話

摘句

山從泰岱千盤下水抱黃河一線回

南歸述懷

無限興亡無可說一春閒對牡丹吟

洛陽

嶺南三家詩風行海內無煩多錄偶錄一二譬之嘗鼎一臠

程可則 字滄溱南海人順治壬辰進士官桂林知府

可則詩文名世與王士正汪琬齊名

廣東通志

摘句

斯文慙後死吾道見先生

書張伯明先生忠烈詩後

張國勳字伯明黃陂人為應城訓導流賊圍應城伯明率民兵死守食盡城陷死之 教官殉難尤可敬

身隨貧賤間關老地入興亡感慨多

何鞏道

字皇圃香山人諸生

以宰相之子遭離亂之辰而有佳句流傳供人賞玩亦塵世

擾攘中能自立者

聽松廬詩話

摘句

別非垂老偏多淚歸已無家復送行

百戰江山如昨日獨行蹤跡似孤僧

水邊對月難尋影樓上看花盡見心

但得花開人便醉不知誰是種花人

藝談錄卷下

廖

字柴舟曲江人諸生

廖柴舟處士為文卓犖奇偉詩新警雄逸字字性靈

居業堂文集

近日作者惟魏叔子先生而廖處士曰魏叔子後惟王崑繩

萬里外有此知己及親至其鄉而處士已死予誌處士之墓

不禁潸然涕下也

居業堂文集

王崑繩

源

為望溪集中四君子之一廖柴舟見其文歎服及

崑繩至粵柴舟已死崑繩為誌其墓今百餘年王廖兩君之

神交世罕知者余故表而出之見文章知己不在識面也

摘句

萬古此一時天地為我宅

飲酒

兩行兒女淚偏濕老人衣

有憫

陳子升

字喬生南海人貢生

摘句

何能容易談天下祇學阿難白世尊

寄詹歸

無不散者世人富貴之場有不散者文士英靈之氣易秋河
受知於吳留村制府邀往潘陽因得縱覽名山五嶽登四倦
遊歸里身後無人可謂窮矣迨阮宮保脩通志不載其人温
舍人輯詩海不載其詩不獨窮於生前抑且阨於死後乃譚
玉生孝廉意切桑恭情敦竹素見之故人篋裏拔之故紙堆
中六卷丙才人心血收於蠹穿蟬蝕之餘百年前窮士篇章
壽諸忠簡文忠之列伍紫垣刻粵東十三家始於李忠簡終以易秋河 秋河之詩於

是復存秋河之氣於是不散矣松心文鈔

摘句 三秋百草黏天去萬里黃河坼地來居庸北望武侯

統紹高光仍割據道侔伊呂尙偏安武侯祠

十年死別重相見萬里鄉程一夜還夢

藝談錄卷下

王邦畿 字誠齋番禺人貢生

錢牧齋謂其學殖富意匠深嶺海詩鈔

摘句 亦知七首無成事只重荆軻一片心

余句云如此肝腸如此膽莫將成敗論荆卿可互證聽松廬詩話

劉祖啟 字顯之東莞人貢生

摘句 秋聲生落木雨色隱斜陽

雨色隱斜陽可與唐人日氣含殘雨並傳聽松廬詩話

黃河激 字葵之南海人諸生

葵之詩嬌女如新月近有人詠新月云宛如待字閨中女知

有團圓在後頭皆以新月比閨女聽松廬詩話

摘句 名場老饜雞鳴飯官路多露馬足塵

凡應試者多雞鳴卽飯葵之雞鳴飯句未經人道過聽松廬詩話

蘇楫汝字用濟新會人順治辛丑進士官知縣

用濟大令請假歸養温清之暇與二三故交分題唱和粵東詩海

摘句 無營殊自貴多病不妨閑

陶淵明云孰是都不營而以求自安章蘇州云貴賤雖異等出門皆有營蘇用濟云無營殊自貴嗟乎談何容易聽松廬詩話

方殿元字九谷番禺人康熙甲辰進士官知縣

九谷集末為環書上篇附四書講語下篇發明易義四庫總目

九谷僑寓蘇州置祭田百畝且以田給兄弟之貧者廣東通志

九谷云生前日短死後日長見環書二語令人警悚如王莽曹操董卓李林甫盧杞蔡京秦檜嚴嵩之流受千萬人之指罵

無有了期死後日長歎諸奸生前未計及此老漁閒話

摘句 銀燭影前人似玉碧梧枝上月如鉤

藝談錄卷下

汪後來字白岸番禺人康熙壬午武舉人

白岸官千總勤賊立功又工詩善畫此才可多得聽松廬詩話

摘句 夜半詩成攜稿入營門驚道羽書來

車騰芳字蓼洲番禺人康熙庚子舉人

騰芳以鴻博薦才名德望人推服之廣東通志

摘句 少康樂盤遊五子歌惻悻遂開風雅先離騷亦祖此

車蓼洲以五子之歌為開風雅之先余謂溯詩權輿當以喜

起明良之歌為始聽松廬詩話

胡方字大靈新會人貢生

摘句 無用之年何必多

無用之年何必多句驚心動魄世人之年誰為有用耶事業

有濟於民生著述可傳於後世庶幾謂之有用矣聽松廬詩話

王 隼 字蒲衣番禺人

蒲衣著有詩經正訛嶺南詩紀梳山七書嶺南詩鈔 蒲衣善彈

琵琶貧愈甚則琵琶聲愈急知交聞琵琶聲急輒饋贈之

蒲衣妻潘孟齊女瑤湘皆能詩松軒隨筆

摘句 憶山添懶態入世滅狂懷

余錫純 字兼五順德人貢生

兼五敦尚氣誼有陳遵風為儒林重國朝詩精華

摘句 天垂日月當窗見地缺東南到水斜登鎮海樓 到水斜

三字中有數千里之地由高漸低一斜字寫出聽松廬詩話

韓 海 字橋村番禺人雍正癸丑進士官封川教諭

海性孤介當事欲以鴻博薦海不欲赴乃不果薦廣東通志

摘句 只應佛火無今古但有梅花未寂寥

藝談錄卷下

羅天尺 字石湖順德人乾隆丙辰舉人

薦鴻博以母老不就杜門著述有五山志林廣東通志

晚成堂歌 金帶歌 洞簫行皆七古 王楊盧駱當時體不

廢江河萬古流是初唐體固老杜所推重者也初唐體要書

卷要對耦後人畏難每作七古隨意放筆自謂學蘇洪稚存先生云

怕看假蘇詩 羅石湖晚成堂歌諸篇尚有初唐遺意聽松廬詩話

摘句 雪沉衡岳白天接洞庭青

西京文字開秦吏南粵江山入漢書

鍾 獅 字鐵橋番禺人乾隆丁巳進士官知縣

番禺鍾獅廣東巡撫昆明楊公所薦詞科掌錄

吾友李子黼學博所居宅是鍾鐵橋故居在永清門外麥欄街松軒隨筆

摘句 乾坤盡掃荆榛叢廓然與世遊大同登蓮峯放歌

何夢瑤

字西池南海人雍正庚戌進士官奉天遼陽州

廣和錄二卷何夢瑤撰是書恭錄

聖祖仁皇帝律呂正義謹案正義所論琴律據管子白虎通

以大弦為倍徵三弦為宮與諸家一弦為宮者迥異四庫全書樂類

夢瑤出宰廣西治獄明慎宿弊革除有神君之稱廣東通志

西池再答杭堇浦古千餘字有卷軸而氣足以運之聽松廬詩話

西池撰皇極經世易知錄及算法迪近日俱有刻本松軒隨筆

摘句 三叔若有成武周非孝忠論不平正然不以成敗論人亦自有見同上

叢祠森鬼氣老樹聳人形東蘭道中

夢去只如雲出岫魂來恰似月烘牆寫夢寫魂未經人道

不烹呂后真高着留取千秋辱漢王 劉得天下項

死咳下然後人多惜項而譏劉亦公道在人心也同上

藝談錄卷下

耿國藩

字湘門番禺人太學生

外大父湘門公十一歲登黃鶴樓賦詩有高低紅樹迷江渚

斷續青山繞鄂州之句座客驚異稍長飢驅之燕齊吳越為

諸侯客繼乃入粵業鹽筴遂家焉結屋濠畔曰素舫齋花竹

圖書布置幽潔杭堇浦太史嶺南集有詩云閒來便想到君

家飯軟茶甘與倍嘉蓋堇浦主講粵秀時常雅集素舫齋也

公每夜飲酒數杯一夕酒後大書兒女債完生白髮利名心

澹愛青山十四字書畢目垂端坐而逝年六十二松心文鈔

摘句 紅翻東海三更浪翠立南溟萬點山浴日亭

肺病小蘇催煮酒吟聲偶住為焚香素舫齋偶成

病與老如膠見漆懶逢閒似芥投針

棺壙預為還製此可容消受一爐香白題與容

莊有恭 字滋圃番禺人乾隆己未

賜進士第一人官至協辦大學士

錢唐江入海之處公用前人竹絡之法編竹爲篋實以巨石
鱗次櫛比以衛塘根其秋風潮大作石塘間有崩裂而柴塘
獨無恙公之力也 潛研堂集

公再撫蘇有

旨仍兼管浙江海塘公請如浙塘之法編竹篋實石護塘根
以禦海潮公之盡心于水利如此 潛研堂集

上南巡幸嘉興之煙雨樓時公爲浙江巡撫 命公聯句

御製有句云老錢筆老健 錢謂尚書陳羣 公對句云蒙莊視蒙翳自

註臣目近視出句兩老字難對公因姓莊用蒙莊因近視用

蒙翳兩蒙字對兩老字此真福慧雙圓賡歌盛事也 聽松廬詩話

摘句 經綸猶有待吐屬已非凡 詠鸞

藝談錄卷下

七

顏 字惺甫連平人乾隆丁酉拔貢官直隸總督

官尊而甚少作詩不能錄有詩而人不見不能錄即稍有佳
處未必能增重其人惺甫顏公三世封圻八州旌節其詩不
因官而重而觀其詩者轉因詩而重其人如惺甫之詩即布
衣亦自足以傳也 聽松廬詩話

摘句 讀書尋古歡有得輒心喜

宇宙本來寬何須分中外 塞外游紅山作

飄泊今成獨飛雁去留總是未歸雲 示燾兒

能居憂患能尋樂不羨王侯不學仙 出關

既投世網還須了能脫名心大是難

春光最好二三月野屋無多四五間老境自憐還自

慰柴門常啟亦常關 白泉寓舍

林明倫字穆菴始興人乾隆戊辰進士官翰林院編修

穆庵廉靜寡欲以編修出知衢州府卒時年僅三十五梅崖文集

吾粵百年來能為古文者林明倫徐本義林不永年徐陳在謙陋窮

以死未竟其業惜哉若高士釗陳在謙平正而薄弱温訓縱

肆而浮聲皆非古文正軌也松軒隨筆

摘句 捐生片語易仗義五人同道直心甯悔名存死不空

甲五
人墓

凌魚字滄洲番禺人乾隆戊辰進士官湖南知縣

滄洲歷湖南四任知縣治事敏捷案無留牘嶺海詩鈔

摘句 運移亦知大事去不忍報國虛無人題黎忠愍公畫像

劉鶴鳴字禹甸香山人乾隆庚午舉人官欽州學正

松崖官欽州學正以註誤謫澧州三十餘年釋歸嶺海詩鈔

藝談錄卷下

摘句 入門不敢問憂喜看顏色家僮至澧

三春花事拋流水千里家書動隔年寄呈叔祖

劍當缺後猶聞吼琴到焦時自發聲寄呈叔祖

張大進字海門番禺人諸生

海門自稱曾讀三千卷能背誦千卷嶺海詩鈔能如是亦可敬也松軒隨筆

摘句 雲樹有情人浩蕩水天無際月嬋娟

張錦麟字玉洲順德人乾隆戊子舉人

錦麟幼慧與兄錦芳並為北平翁方綱所賞有雙丁兩到之

目年二十九卒廣東通志

摘句 野岸無人潮欲上碧天如水雁初飛

三面青山四圍水藕花香處笛船多

玉洲因此二句人呼為張碧天又呼為張藕花聽松廬詩話

陳昌齊 字觀樓海康人乾隆辛卯進士官溫處道

觀樓先生博極羣書著述甚富有已刻者有未刻者松軒隨筆

摘句 自來臣朔能禁餓豈有韓康尚好名

馮敏昌 字魚山欽州人乾隆戊戌進士官戶部主事

魚山先生徧遊五嶽名山大川開拓胸懷發而為詩自有一

種雄豪伉爽之氣聽松廬詩話

摘句 洵洵黃流千里下冥冥風雨二般來

白帝西來行萬里黃河東去避三峯華嶽

紫塞秋風隨馬度白登寒色壓城開

于將牛斗千年氣王子江河萬古流滕王閣

官居人海身如寄家遠天涯夢亦難

百千轉路方停櫂三十餘年再叩門

藝談錄卷下

九

胡亦常 字同謙順德人乾隆辛卯舉人

亦常詩妙悟天成能於南園諸子外自成一家廣東通志

摘句 常恐驟富貴不復能貧賤 十字深警聽松廬詩話

莫元伯 字隴山高要人乾隆己亥舉人官訓導

善齋司訓吾邑多士樂從之遊或以非義干輒毅然拒之文鈔

摘句 江天浩無極吳楚但一氣登燕磯

子厚正蒙書子壽金鑑錄處為吾道重出作蒼生福

送張南山北上

孤村三面水疎雨一船秋

問鬼席前曾半夜望仙河上有高臺漢文帝

那堪天子都言數誰信將軍果是飛李廣

國事關心重有感風懷多恨半無題李義山集

梁麟生 字靈長順德人諸生

摘句 花香暗與客同路月色先於人到門

周仲焜 字建白南海人諸生

摘句 詩書幼誦讀長不復記憶偶於几上觀過目輒留臆

久暫亦何常此故在心力 吟 心目

讀書有得全在心力此拈出心力二字是甘苦語 聽松廬詩話

方秋白 字希文南海人

摘句 紅日影中天地正青山呼後帝王尊 洛陽

百王典禮尊南海四瀆明禋重祝融 南海廟

過去事多成代謝到來人又感飄零 零丁洋

洪瑞元 字景清番禺人乾隆乙酉舉人

摘句 出岫原無心為霖亦何功 雜詩

藝談錄卷下

出岫為霖而不自以為功留侯武侯而外未可多得 聽松廬詩話

仇巨川 字滙洲順德人

摘句 山中七日促世已千載判

山中方七日上幾千年是則凡間日長仙家日短 聽松廬詩話

陳振之 字卓峯番禺人

摘句 世途磨骨健家計迫才疎 與凌藥洲夜話

關上謀 字榕莊南海人乾隆辛卯舉人

摘句 萬里無雲天似水一庭有月地如霜 對月 鄭州

呂 堅 字石駟番禺人貢生

石駟工詩古文李南澗見其詩奇之由是得名 嶺南四家詩鈔

摘句 賣書鑄劍酬知已碎錦裁詩贈美人

千里月輪分半片卿持青桂我蟾蜍

黎簡字二樵順德人拔貢生

二樵詩詳見詩人徵畧茲錄一首貴精不貴多也

聽松廬詩話

天供煙景地供花筆有溪山生有涯隨意詩篇作年譜不知

言語屬公家笑看蠻觸爭蝸角愁逐羲和裊日車獨立滔滔

問江水為誰東去積塵沙

松心曰蠻觸有欲無時不爭羲和有行無時不裊

裊字似不穩而

甚妙欲易一字無勝裊字者

羲和自裊於上蠻觸相爭於下自古至

今自朝至暮宇宙雖大兩端括之江水不能不流泥沙

不能不積百年後廣州水患甚巨有心者當記吾言

二樵天分過人識見深遠真所謂豪傑之士也

聽松廬詩話

摘句 西日東流水無語各自急

日西水東人居其中忽忽一年忽忽一世

短長道路供離別少壯交遊半死生

藝談錄卷下

十一

張錦芳

字葯房順德人乾隆己酉進士官翰林院編修

葯房性行整飭學問淵雅留都下都中人欽其品重其學非

第以詩也而詩亦中正和平無戾乎溫柔敦厚之教

嶺海詩鈔

不盡三湘水來從八桂林遠循衡嶽麓直下洞庭深天地餘

秋色帆檣入暮陰竹枝與蘭葉終古動哀吟

湘水詩話

松心曰翁山獨漉五律葯房此作庶可嗣音

聽松廬詩話

摘句 秋色千里不鬱鬱金陵城遠視白浩浩焉辨揚與荆

月夜登燕磯絕頂

雪消春水流殘白風暖湖山入舊青

巴陵道中

黃丹書

字虛丹順德人乾隆乙卯舉人官教諭

丹書語人曰貧與富交則損名賤與富交則損節

廣東通志

摘句 苦雨春無色禁寒酒有情

温汝能

字謙山順德人乾隆戊申舉人官內閣中書

謙山刻書黎棗之費以巨萬計文海詩海尤稱大備

嶺海詩鈔

謙山刻粵東詩海粵東文海卽此一事其人便可傳

聽松廬詩話

摘句 豈教天險資羣鼠自有神威壓巨鯨

聞捷

張如芝

字墨池順德人乾隆戊申舉人

粵東畫家二樵澧浦之外當推墨池其畫秀潤中有書卷氣

未見其詩無從采錄偶記二句錄之

聽松廬詩話

摘句 欲憑酒杯敵此愁萬斛

鍾啟韶

字鳳石新會人乾隆壬子舉人

鳳石天資聰慧爲詩文頗能自達其意集中西濠曲於羊城

渠脈言之甚詳他時欲濟六脈渠當據此詩考究之

聽松廬詩話

摘句 所虧惟子職無計代親勞

藝談錄卷下

十一

事到大難惟有達家能粗可不如耕

半月橋橫深樹底萬家燈碎亂流中

許聖

伍有庸

字青田新會人乾隆丁未進士官湖南知縣

青田弱冠成進士筮仕武陵星吏議降捐鹽大使

楚庭者舊集

摘句 壯心久已隨流水老眼猶能看遠山

古書有味隨心悟舊稿須存信手刪

李實

字允之新會人乾隆乙卯進士官肇慶府教授

允之少孤事兄如父好學能文肇有端人文社凡有文教於

肇者肇人立祿位以尸祝之實與焉

新會縣志

摘句 心經剖去終懷紂墓卽封來豈受周

殷少師墓

白露爲霜湘水冷碧天如水楚雲流

常甯舟次

臣之壯也無他技任有時乎亦爲貧

贈林廣文

徐本義 字薊圃番禺人諸生

薊圃才豐而命窮品高而運蹇身後無子詩文散佚 松軒隨筆

洞庭葉初下江皋秋已涼美人隔湘浦離緒乘清商鷓鴣中

夜鳴百草為不芳遲暮一以屆感物情彌長 秋思松心曰此篇漢魏神韻

蛟龍倒挂一千尺浩然風雨來堂前老松怒攫不相讓似與

泉勢相盤旋 沈石田飛泉圖歌聽松廬詩話

摘句 楊柳洞房春花映玉人 春日松心曰此篇齊梁神韻惜不記全首

聞向春山彈一曲桃花如雨點琴絃

漆修綸 字雲窩番禺人諸生

雲窩先生少時與戴文端 衡亭 同學文端為相聲望甚隆先

生無一字之干其耿介如此文端益重之 松軒隨筆

摘句 寄語山靈須少待即拋書劍踏雲來 病中絕句數日遂卒

藝談錄卷下

翁張憲 字允斌順德人乾隆庚辰進士

允斌二十三領鄉薦二十四捷南宮二十九卒 嶺海詩鈔

摘句 憂國念深同變雅忠君情苦類離騷 讀杜少陵秋興八首題後

顏鳴漢 字濟川嘉應人乾隆庚辰武進士

吾粵武將工詩者汪白岸後當推顏濟川 松軒隨筆

摘句 漢王藏忌心假手于呂雉 詠史

狄公真唐臣用心亦良苦欲成匡復功降志事牝主

詠史

馮燾 字穎中南海人太學生

穎中世居濠畔街猶能說余外祖耿湘門先生軼事 松軒隨筆

摘句 世上已無同甲友夢中猶作少年人

人間浪說團圓好那識圓時恨漸多 新月

張青選

院

雲巢順德人乾隆己酉舉人官兩淮鹽漕察

雲巢宦淮海中外親串待舉火者百餘家

楚庭耆舊續集

兩淮鹽漕察院故事無漢人爲之者有之自南城曾賓谷中

丞煥與雲巢丈始均異數也

茶村詩話

雲巢到家詩五首尤脛至者一首錄之入幃拜大母瞻仰涕

漣洩一語傷心曲多年繫夢思不圖垂老日猶有見孫時預

恐難爲別殷勤問去期

聽松廬詩話

摘句

自天銜

鳳詔

適奉到得地卜牛眠

謁墓錄別

豈不欲留未得卽能再見見何年

人日

古往今來同此日千秋百歲是何人

壽朱少仙

以人爲暖今方屆曰老而傳早過之

八十寄家書

若問行程安與否太平車似太平船

藝談錄卷下

十四

葉廷勳

字花谿南海人官鹽運使司

花谿跡託塵鷺性耽泉石瀉魚山黎二樵皆折節與交

嶺南羣雅

花谿嘗手校王文簡公古詩選重爲鐫板合嗣文園比部雲

谷農部延余課子館於葉家塾三年

松軒隨筆

摘句 白沙漁父棹紅樹酒家旗

江帆依岸轉島月照人寒

昨宵杯酒離亭畔和雨和煙綴馬蹄

新柳

汪鳴謙

字益齋番禺人嘉慶辛未進士官太原府知府

益齋少日研經至官刑部治律亦如研經之勤密故律例之

孰同官咸推之出爲山西知府調首府一日無病暴卒

松軒隨筆

摘句

羅浮夢幻談空易鐵石精神畫亦難

梅花

萬里獨歸滄海遠三天時念玉樓寒

呈里甫先生

梁 泉 字弼亭順德人乾隆己丑進士

弼亭成進士出桐城張闔士房時劉文正德文莊兩鉅公爲總裁賞其文闔士喜見於色同列銜之因假磨勘傾闔士至失官卷押十白簽而弼亭遂被斥革費筠甫相國謂上下江相水火而粵人遭池魚之災可哀也橫海詩鈔

松心曰論文者有心苛求何難疵病百出當時兩邊水火

必大力者勝矣然弼亭文名不因斥革而損也松軒隨筆

摘句 木落屋依平地出霜空人坐一天寬曠觀臺秋眺

吳應達 字雁山鶴山人乾隆乙卯舉人

雁山於古文亦有窺尋但所見未廣松軒隨筆

雁山著有嶺南荔支譜五卷譜荔軒筆記二卷茶村詩話

摘句 拋擲黃金過年少消磨青鬢作勞人下第歸里

藝談錄卷下 五

王汝亮 字貞菴南海人

貞菴與潘娛天晨夕劇切博搜羣言唐宋元明及本朝名家諸集無不羅致學日富詩日工夫何天不假年一病而歿將歿家人環立首以建祠譜牒爲急夫彌留之際而所屬先族後家輕重秩然非大義素明能如是耶王貞菴傳顧家俊撰

貞菴之孫茹泉孝廉與六兒鄉榜同年茹泉奉其祖遺詩示

余思有以廣其傳可謂孝思不匱矣松軒隨筆

摘句 流螢分月色遠雁續砧聲秋夜

守錢防怨府縱酒破愁城家貧

管樂之間皆霸佐殷周以後一完人諸葛武侯

香火萬家生佛像風雷一夕黨人碑司馬溫公

疎雨淡烟橋畔店西風橫笛柳邊船自題草屋

潘有度

字容谷番禺人官鹽運使司銜

容谷之父曰潘啟官夷人到粵必先見潘啟官啟官卒容谷承父業夷仍以啟官稱之蓋自乾隆四十年至嘉慶二十年夷事皆潘商父子經理潘商

有度

歿而伍商

秉鑑

繼之伍商

於夷事專由舊章相安無事逮禁煙令下奉命來粵者若

知與商往來與商平等未嘗敢與官抗行也乃當事者不信

商而信宦不用情而用威率然舉兵圍之斷其飲食於是夷

情不服而邊釁遂開迨至圍城納幣而後夷居然與尊官敵

體矣詩曰誰生厲階至今為梗悲夫

松軒隨筆

容谷善哦詩土音哦詩善吹笛者倚笛和之

聽松廬詩話

摘句 薄暮雲鬢重整後素馨如雪為誰開

贈珠江校書

藝談錄卷下

夫

譚

瑩

字玉生南海人道光甲辰舉人官化州學正

玉生萬卷羅胸七襄在手吾粵二百年來論駢體必推玉生

無異辭者詩不多作作則性靈書卷兼而有之

聽松廬詩話

松心曰昔戴醇士為余作聽松廬圖湯雨生為余作海天

霞唱圖今羅六湖為余作珠海老漁圖陳蘭甫為作記譚

玉生為作序此畫此文皆傳作也此卷合之戴湯兩卷為

吾齋中三寶

松軒隨筆

摘句 補屋牽蘿傷窈窕閉門種菜誤英雄

出山最苦難低首游世何容太熱腸

尚擬入山隨李廣何當落水怨章惇

謀生計拙思高隱嘆逝神傷學散仙

微聞香澤如中酒不負韶光舊典裘

潘有爲

字毅學番禺人乾隆庚寅舉人官內閣中書

毅堂居京師十餘年中年後歸里有林泉聲伎之樂

聽松廬詩話

摘句 青藜閣上光如昔春草池邊夢已差

六松園感舊

千里故人重繾綣十年前事半模糊

聽雨

半郭半村供臥隱藕塘三月脊令飛

潘正亨

字伯臨番禺人官員外郎

伯臨爲容谷之子工制藝工書法而不獲青一矜

松軒隨筆

摘句 關心哀樂中年近回首蹉跎薄宦非

伯臨弟正綱讀宋儒書言動不苟人見而遠之遂得心病

正常工制藝嘉慶己巳進士選庶吉士數年病卒

正煒性好收藏書畫數年前病卒書畫亦出售矣

三人無詩可錄故附於其兄之後畧存其人

藝談錄卷下

七

南墅者潘園也園在激珠橋之南有亭臺水木之勝主人容

谷都轉延先君訓課伯臨兄弟余年十二侍先君讀書南墅

者九年主人又延金藝圃兵部課其諸姪課業之暇輒與藝

圃伯臨諸君游息其間月午花辰每多觴詠今追思之事隔

六十餘年昔在南墅中人無一存者停雲逝水回首惘然而

小子風木之悲愴念音容又不禁潸然涕下也

聽松廬詩話

集南墅聯句送金藝圃北上

嘉慶三年秋九月

簪蓋方投契

金菁菽

筵開忽送行清歡聯翰墨

張維屏

壯歲奮功

名兩載觀摩切

潘正亨

三餘賞析并易談王輔嗣

潘正綱

詩述鄭

康成考史參疑信

潘正常

論文互辨爭箴規心莫逆

菽

篇什韻

常虞煙樹圖南墅

屏

關河賦北征蘭橈期後會

菽

重把菊花

觥

亨

詩長節錄之

聽松廬詩話

鄭士超 字貫亭陽山人乾隆乙卯進士官監察御史

士超轉河南道監察御史見有屈膝謁上官者因劾稱

國家之制司官見堂官揖不屈膝典章不可不守廉隅不可

不勵權勢不可不防得

旨可其言 廣東通志

胸中絕無勢利之見者有三人徐薌圃鄭貫亭林月亭 松軒隨筆

摘句 詩思今宵傾竹葉鄉心同日到梅花

劉彬華 字樸石番禺人嘉慶辛酉進士官翰林院編修

君事親能養志友愛兩弟弟歿撫從子如所生 聽松廬文鈔

摘句 架滿詩書畫客兼儒佛仙

一代奇謀山聚米千秋遺烈柱標銅 馬伏波廟西蘇

絕域先零原屬國將軍大樹是征西 平

藝談錄卷下

漆 字東樵番禺人嘉慶戊午舉人

戴文端公 衡亭 督學粵東得君卷賞之以第一名入泮戊午

舉於鄉入都謁文端文端以大器期之乃七上公車不第而

文端亦謝世矣 松心文鈔

摘句 英雄不可測未遇皆等夷

劉項等夷唐太宗於竇建德李密明太祖於陳友諒張士誠

皆等夷也東樵此二句不以成敗論人可稱卓識 聽松廬詩話

萬縷離愁千里月客中都是可憐宵 客夜

馮國倚 字磻泉南海人嘉慶戊午舉人官雲和縣知縣

礮泉翁掌教八旗義學垂三十年門下士經義之外多嫻騎

射 深柳堂詩話

摘句 讀罷離騷香滿屋一天明月放梅花 柳堂月夜

宋 湘 字芷灣嘉應人嘉慶己未進士官湖北糧道

芷灣豪邁時露真氣官湖北糧道糧艘將發府廳州縣集江
干候送余後至芷灣出座相迎呼曰吾甚恨足下眾皆愕然
徐曰恨足下不入詞館耳明年重晤於漢陽舟次謂余曰足
下十一卷詩俱讀過一唱三歎人人心脾我不如子哀樂無
端飛行絕迹子不如我 聽松廬詩話

摘句 不如墳頭草猶得與親依

我詩我自自讀還賞之賞其寫我心非我毛與皮

俗士畫皮兼畫肉神雕行氣直行空 論文

無愁兒女沙淘盡有恨英雄浪打降 大江

祝融以德火其木雷電成章天始春 木棉

笑口人情花剪響酒杯天氣雁聲涼 買菊 酒杯天氣 未經人道

藝談錄卷下

十九

吳榮光 字荷屋南海人嘉慶己未進士官湖南巡撫

粵亥百餘年來論書法推四家馮魚山 敏昌 黎二樵 簡 吳荷

屋 榮光 張澥山 岳崧 魚山字有氣魄然執筆橫臥全用偏鋒

二樵字有逸氣而無腕力荷屋澥山皆能運腕皆得晉人用

筆之意荷屋晚年老筆頓唐然字有意味澥山初時為歐所

縛晚歲深於晉帖頗得帖意吳張二公一生所長自以書法

為最也 松軒隨筆

摘句 山鬼薜蘿湘女竹美人雲雨大王風 楚中懷古

客來王後空高閣文讓唐初此一篇 登滕王閣

吳彌光 字樸園南海人道光甲午舉人

樸園詩余未見茲從嶺表詩傳錄二句 聽松廬詩話

摘句 攜來兩袖雲吹到一聲磬 羅浮華首臺

林伯桐 字月亭番禺人嘉慶辛酉舉人官德慶州學正

粵東二百年來可以從祀 聖廟者約有三人曰陳清端

曰鄭貫亭士超曰林月亭伯桐清端官至巡撫清名達於

九重著於海內貫亭廉介自守正色立 朝可稱古之遺直

然陳鄭二公實行有餘而實學不足月亭則博學稽古遠宗

漢儒行己立心恪遵朱子於諸經漢唐註疏諸史治亂源流

靡不博覽精研以至諸子諸集凡經目過心存能提其要論

語所謂行己有恥博學於文月亭當之而無愧矣陳鄭二公

仕宦通顯人多知之月亭窮而在下官廣文亦不久世無知

者余故表而出之俾後之留心文獻者有所考焉松心文鈔

摘句 人才多白屋客路近紅橋大雪後舟泊揚州

森森風露催華月閃閃星河入素秋秋夜

藝談錄卷下

張炳文 字繡山番禺人嘉慶辛酉舉人官四會縣訓導姻再姪陳禮填諱

先生事節母以孝領鄉薦十餘年不上公車以母在不遠遊

也詩抒寫性情不事雕琢而和平可味嶺南羣雅

聽宜話雨添疎竹屋爲看雲築短牆繡山先生句也先生純

孝宿學吟咏其餘事粵嶺草堂詩話

先生七古如客行每厭水程遲山好轉嫌風力順江行常值

之境卻未易道著也詩娛室詩話

摘句 從來離別事多在夕陽天

月光分曙色人語雜潮聲

十載青衿承母訓一孫黃口拜兒邊家祭齋肅

波浪不驚鷗夢熟琴書無礙燕泥香素肅齋

千里雲山環獨客九秋風雨逼重陽連州九日

金菁莪

字藝圃番禺人嘉慶壬戌進士官兵部主事

藝圃性伉直往往使酒罵座嘗曰吾於並世只服兩人人品服徐薊圃先生學問服吾師紀曉嵐先生而已時馮魚山負盛名或問魚山何如藝圃曰魚山歸至羊城必坐四輪是胸中不能忘官樣也掌教書院生徒贊儀及門包不如數者不得進見魚山有賢名不宜委權於僕從阻抑士氣或問黎二樵何如曰二樵詩有好處觀其全集做作處多自然處少且名士吸食鴉片自二樵始二樵似有愧心焉松軒隨筆

松心曰二樵自言吾非賣畫無以為生非食烟不能提氣作畫此亦言道其實蓋當時士人猶以食鴉片為恥故二樵託於病以自解也

藝談錄卷下

謝蘭生

字禮浦南海人嘉慶壬戌進士官翰林院庶吉士

澧浦少負文名兼工書法既入詞館假歸流連山水與弟退谷並以繪事稱能嶺南羣雅

里甫畫有奇氣論粵畫者推君與二樵齊名殆無愧色松軒隨筆

佛亦稱無量臣今偶一中飲酒

四十萬言成學問三千餘歲作春秋東方朔冷泉亭

倚檻堅陪諸錦坐斷雲時帶一僧還冷泉亭

蘇 鴻

字翔海番禺人乾隆乙卯舉人官連州學正

翔海耽詩工繪畫喜絲竹愛山水有石癖嘗得一蠟石有人形愛玩不置松心文鈔

摘句 人懷滅頂凶我有剝牀切癸酉紀事 松心曰廿年後水患較癸酉恐更甚也

兵後訪人談浩劫雨中留客賞殘花過柳堂子 繡留飲

張岳崧

字翰山定安人嘉慶己巳賜進士第三人官湖北布政使

翰山學問人品皆能不負科名厥歷中外勞績懋著集中如上蔣礪堂相國朱椒堂漕帥各書皆通達政體之言楚庭者舊集翰山因修史被議革職至嘉慶己卯恭逢

萬壽慶典獲咎諸臣皆獻詩册翰山作全韻詩至仄聲內有韻窄而極難押者請余助之余因同鄉同年不得已爲作十數首於是全韻詩乃成聽松廬詩話

翰山生平書法第一吳山尊學士謂劉石菴之外罕有其比余謂石菴書能入能出自開面目翰山尙未能化也松軒隨筆

摘句 黑水春流潤天山雪化膏由肅州至蘭州

鬢華添曉雪鄉夢託孤燈西涼除夕

雍梁地扼秦關壯巴蜀天開漢使通南天門在鳳縣南山絕頂

藝談錄卷下

羅天池字六湖新會人道光丙戌進士官雲南迤西道

六湖云余書初法香光兼師海岳後得南唐祖拓澄清堂帖

一意以右軍爲宗其畫亦由香光得徑力追董巨兼瓣香米

氏父子及元四家至文沈王惲諸子皆其所旁涉者也余自

愧萬不能到而中心向往實在於此六湖筆記

六湖所云亦自道其書畫得力處惟右軍書聖自歐褚而

外罕得其傳六湖以右軍爲宗恐志向高而力不逮也至

論粵畫吾必以黎二里樵謝甫張墨池羅六湖爲粵東四家松軒隨筆

摘句 長貧思好夢久客識方言旅名

曾經烏帽黃塵苦始識樵雲釣雨尊初歸

欹枕推敲隨人夢披衣追索已忘言詩思

卽今不死須行樂欲學長生待太平獨坐

吳梯字秋航順德人嘉慶辛酉舉人官知州

航著有巾箱拾羽多取唐宋人說部而評論之松軒隨筆

航詩余未見茲從嶺表詩傳摘錄二句

摘句 依山田欲立抱石樹多懸摩天嶺

崔 弼字鼎來番禺人嘉慶辛酉舉人

鼎來家甚貧而日事著述有波羅外紀已梓行玉壺山房詩話

摘句 亦各言其志異乎吾所聞

著論獨悲秦二世為文會弔楚三閭賈誼

市中俠客無朱亥座上鴻談有白丁世情

梁曾齡字翰泉德慶人嘉慶辛酉舉人

翰泉曾為孝子何某償帑負州人至今義之陳孝廉在謙文集

摘句 無功斯世生原枉未了塵緣死亦難

藝談錄卷下

劉華東字三山番禺人嘉慶辛酉舉人

三山聞洋商盧觀恒入鄉賢忿然不平致書制府蔣公謂公

廉明不應有此事蔣公語其友曰鄉賢是巡撫主政總督不

過會銜耳三山曰既非蔣公主意則此案可翻遂商諸陳仲

卿仲卿與三山將致蔣書刪成論體題曰草茅坐論刻之散

百本於城鄉於是攻鄉賢者不期而集矣然空言攻之無以

折服盧氏之心適有談者謂觀恒有拔兄辮髮一案往新會

縣房詢之案卷尙存 欽使到粵即以拔辮一事將盧觀恒

牌位撤去以草茅坐論革三山舉人當時巡撫某公恨三山

入骨革三山舉人者所以平巡撫之氣也其後眾人釀金為

三山捐復三山不願捐復蓋無復有仕宦之意矣松軒隨筆

摘句 腰劍離離留古血家貧未肯受人恩井州少年行

黃培芳

字香石香山人嘉慶甲子副貢官內閣中書

香石爲文裕公裔孫學有淵源著書十數種而尤深於詩生

平六上羅浮尊羅浮爲粵嶽建祠焉

聽松廬詩話

香石於畫雖非專門然隨意數筆皆有書卷氣所以可愛

馮魚山負盛名又爲香石父執是以香石尊之如泰山北斗

論詩必宗之阿私所好亦人情所常有也

詩話

摘句 白龍飲碧潭飛下千丈坂雲去衆山動雲歸萬壑晚

但聞水溯洄不知山近遠

羅浮最深處

南斗以南推一嶽北山之北入重雲

登羅浮絕頂

天心已定三分國王業何關八陣圖

讀武侯傳

一水河梁千古月九州人物五更心

盧溝曉行

百粵山河秦塞古九秋風日漢臺高

北郭登高

藝談錄卷下

五

李遐齡

字菊水香山人諸生

香山詩人香石而外當推菊水但少見其詩故知者亦少

摘句 魚貫登丹梯微逕絕依傍足外垂二分失勢落千丈

踵接後人頂石壓前人項所賴首猶昂頗令瞻增壯

登白雲絕頂

登山之險衆人意中所欲道此詩道出聽松廬詩話

南山作畫師造物破古藩籬獨超軼老蓮無人苦瓜

沒二百年來見此筆

題南山畫冊

余少時興發作畫滿冊伊墨卿見而題之觀者隨

意題滿今畫冊不存菊水此詩人多選之

聽松廬詩話

興會偶然到性情於此深

答人問詩

慧業文人會成佛血性男子須生天

亦未爲佳吾且住不能相強汝先還

送子谷返香山

陳世熙 字廣颺浙江山陰人今爲番禺人諸生

蓮塘先生棠溪禮部之祖也少時曾見賞於齊次風侍郎後遊於粵遂爲粵人祖孫父子兄弟叔姪四代俱有詩刻入

國朝正雅集余故彙四代爲一篇以見一門之盛焉聽松廬詩話

摘句 一棹破煙去萬山蒼翠中遙隨曲溪轉忽與小村通

陳受增 字至川番禺人

至川爲蓮塘先生之子新三大令之父松軒隨筆

摘句 暮雲千疊嶂遠水一村煙

陳其銘 字新三番禺人道光辛巳舉人官四川知縣

新三官蜀有政聲惜中道遽作古人未竟其用松軒隨筆

摘句 花知人意倦雲學水聲流

煙村半是漁家侶黃葉聲多水國寒題石谷畫

藝談錄卷下

陳其錕 字棠溪番禺人道光丙戌進士官禮部員外郎

棠溪於制藝古文駢體詩詞皆宜古宜今有書有筆惟良賈深藏若虛又爲書名所掩故罕知之者生平精究音樂於古音別有神解近得古箏一張彈之有琴音棠翁時獨坐搗之

忻然有自得之趣聽松廬詩話

摘句 萬物感金氣草木皆甲兵落葉 松心曰東方木天

主發生西方金天主肅殺天行似由東而西棠翁

此二句詩意深遠不徒爲落葉發也聽松廬詩話

民脂已涸窮生理邊釁誰開動殺機感事

陳昌潮 字遂舫番禺人附貢生候選訓導

遂舫爲新三大令之子少耽吟詠修禊有佳句錄之聽松廬詩話

摘句 三月亭臺新雨後六朝裘屐古風流

梁藹如

字青崖順德人嘉慶甲戌進士官內閣中書

青崖好吟咏善書畫寡嗜慾處已儉以約待人豐而厚

松心文鈔

中翰閉門靜坐默悟道要詩之冲淡適如其人

嶺表詩傳

摘句 茆屋隱深林空翠滿溪路

宦情江上水歸路夢中山

話別我揮手辭家君斷魂

宿海幢寺

纖塵不動月初上萬籟無聲花自飛

題畫

梁邦俊

字小崖順德人官太常寺典簿

君為青崖先生之子工詩畫族之貧者月濟以粟人德之則

曰此先君之意余率由之不敢忘

小崖墓誌陳勤勝撰

摘句 樓蘭未斬烏孫在除卻思親敢望鄉

塞下曲

藝談錄卷下

梁九圖

字福草順德人官刑部司務

天

福草少日即以詩名既而與年俱進著書十數種不脛而走性慷慨重友朋敦信義有陳太邱孔北海之風令子思問中式北闈第三名聯捷部曹遠大始基福草洵福人也

聽松廬詩話

福草所著紫藤館詩文外有雜錄叢錄十二石山齋詩話汾

江隨筆石圃閒談嶺南瑣記

國朝正雅集

摘句 亂峯撐日上一水破雲飛

山亦學人語雲常爭鳥飛

衡岳屏藩雄五嶺仙人窟宅割三山

羅浮漫興

酒雖天限常思飲書怕人求轉恨工

偶成

垂老弟兄同癖石忘形叔姪互裁詩

憶故

天下難防惟猝變人間最苦是初窮

園

倪濟遠

字秋樵南海人嘉慶丁丑進士官廣西知縣

秋槎性兀稟放誕不羈簿書迷悶殆非所堪以故十餘年不

晉一階

楚庭耆舊集

秋槎詩有書卷有性靈過譽者乃謂與杜陵相視而笑阿私

所好每至聲聞過情近日譽人者多有此病

聽松廬詩話

秋槎送與樵歸廣州五古一首真意貫注亟表出之古詩果

有佳者余未嘗不中心藏之也

聽松廬詩話

摘句

庸才例好談經濟大局誰當鑄古今

銷魂天亦惟傷別望遠人禁更感秋

寓齋七夕

春水綠波遊子去雜花生樹亂鶯飛

春草

離別慣經身漸老山川原好福難消

鄉關已近歸無計妻妾同居累倍增

藝談錄卷下

馮賡颺

字子皋南海人嘉慶丁丑進士官汶上縣知縣

子皋自童子至成進士入翰林皆從余問業後改官往山東

爲知縣遂不復相見詩不多作偶記一二錄之

聽松廬詩話

摘句

諸葛天下才偏安王業終成敗固由天吾道在翰躬

讀諸葛武侯傳

古鏡膽肝容我照洪鐘大小待誰鳴

懷南山師

林聯桂

字辛山吳川人道光丙戌進士官知縣

辛山才思敏捷對客成詩一日可得數十首

粵東七子詩鈔

摘句

風靜市聲細月低人影長

月低人影長句

與梁小崖暗合

兩細秋聲濕宵長成鼓訛

漁燈入水星浮出山影沈江樹倒生

爭渡人喧鄉語雜打魚船過市風腥

譚敬昭

字康侯陽春人嘉慶丁丑進士官戶部主事

康侯性聰慧年十二入泮前後郡試凡十四冠軍其為詩溯沿風騷沈寢樂府取法於漢魏六朝唐宋而兼掇其英華嗣響於嶺南諸大家而自闢其堂宇

聽松廬詩話

康侯少到省垣惟嘉慶乙亥館於謝氏時相晤聚此後君宦京華我官楚北遂不復相見

松軒隨筆

摘句

文人如春蠶出絲以自縛

放言

孔孟死無真儒所坑非儒乃坑六國謀臣餘

坑儒

三更雨切切情人語天明奈何許

讀曲歌二十首錄一以見一斑

好夢未成霞散綺驚魂不定雨淋鈴

落花

百念千嬌春可惜南樓北斗夜何其

無題

明月滿江弦管動二弦哀怨過三弦

珠江

藝談錄卷下

天

謝有文

字蔚林番禺人諸生

摘句

雲臺圖功臣不列馬伏波塞北牧羊叟持節如枕戈

歸來典屬國白髮仍蹉跎志士不求知知者為悲歌

詠史

馬援蘇武並舉有論世知人之識

聽松廬詩話

謝有仁

字靜山番禺人官運使

靜山與兄蔚林受業於康侯農部故於詩頗得古人門徑近

靜山註隨園詩全集亦可見其勤於詩事矣

聽松廬詩話

摘句

一藝可成皆事業萬般難處是家庭

訓子鴻恩

家庭難處之境忍字最要杜詩云忍過事堪喜

詩話

一息尙存心未懈十行俱下樂如何

讀書

已涼未冷秋先到既雨還晴月亦佳

秋夜

煙雨乍晴蝴蝶舞江天如畫鷓鴣啼

大範村春日即景

梁信芳

字蕪甫番禺人嘉慶戊辰舉人

蕪甫膝下兩翰林

國朝又雨孝廉晚歲之福人多羨之

隨筆

摘句 匆匆理婚嫁年年添米薪

答友

貴賤賢愚均有婚嫁之累添米薪尤累

聽松廬詩話

胡豹文

字蔚巖番禺人嘉慶戊辰舉人

蔚巖醇謹篤實古所稱善人庶幾近之詩散佚偶記一聯

詩話

摘句 百劫心腸期鐵石三生面目本清臞

梅花

陳在謙

字雪漁新興人嘉慶甲子舉人

雪漁用功古文輯粵東人古文刻之粵東文海卷帙太繁此

外未見有刻粵人古文者雪漁此選不可少也

松軒隨筆

摘句 山影壓羣夢灘聲喧獨愁

泊龍頭灘

梅花剛近水明月慣隨舟

藝談錄卷下

无

黃玉衡

字小舟順德人嘉慶辛未進士官監察御史

侍御篤志力學官居清要有侃直聲

國朝正雅集

摘句 共識揚雄文似者其如李廣數奇何

宵來夢遠誰同夢客裏春歸不當春

黃釗

字香鐵鎮平人嘉慶己卯舉人官內閣中書

香鐵性情亮直於朋友骨肉生死契闊之際心貫金石歷久

不渝蓋古史獨行傳中人物也

國朝正雅集

摘句 顛石三千里一一皆龍脊來船或誤觸掉尾付一擲

山雨不一旬江漲高十尺嶙峋刻露狀渾化漸無迹

自南昌抵贛州

石亦無險矣香鐵此詩說得極明

聽松廬詩話

文章小技餘花鳥家室深情在草蟲

秋感

金菁茅

字體香番禺人嘉慶戊辰舉人官郎中

醴香少有文名壯歲理鹺務十載以來烽煙疊警凡義倉團練勸捐防堵諸務當事者必延君襄辦君不辭勞瘁必慎必勤乃年來餉鹽數萬爲州官所奪新舊兩屋爲夷火所焚而君之心傷矣君之病亦漸篤矣病中猶編改舊詩所著五貢考有關文獻能補廣東通志所未備

聽松廬詩話

君家一門之中登榜者九人羊城科名之盛推巨擘焉

松軒隨筆

摘句

三復慎出話一言無邪思

遺經樓讀書

三更書味孤燈慣兩載文心對榻論

南墅藝圃兄設帳余從受業

天疑龍戰鱗飛玉人似鴻來爪印泥

玉山大雪

得子有誰探虎穴補牢何日復羊城

有感

且住爲佳安汝止及時行樂壽而臧

遺懷

藝談錄卷下

三

沈光國

字偉人番禺人增貢生官候補道

偉人自少能文受知於傅石坡學使入泮受知於翁邃庵學使補增生後因理鹺務又頻年兵燹凡勸捐團練君皆身任其勞不能專攻舉業矣粵東鹺務一壞於私鹽再壞於盜賊三壞於官借軍需爲名奪鹽奪餉而卑商有冤無可訴矣熟鹺務者無過金沈二君金已作古人而鹺務猶支持不至廢墜者偉人與有力焉

松軒隨筆

偉人童時有學長命詠竹笋卽應聲曰青青猶自掩蓬蒿縱

未干霄氣已豪祇待春雷通信新枝還比舊枝高識者知

爲不凡之器

聽松廬詩話

摘句 爾去莫彈遊子淚我今猶是服官年

子延曠入都

自有風雷驚耳目縱無搏激亦波瀾

以詩示之過伏波難

黃位清

字春帆番禺人嘉慶辛巳舉人官國子監學錄

春帆工制藝晚年精究日者之術藉此以自給刻有

聖廟祀典錄此書前人已有之後人有輯想亦大同小異耳

摘句 境仍蓬島滄涼水人是淮南大小山

浴日亭次蘇韻

邱毓章

字雲衢番禺人嘉慶辛酉舉人官大埔縣教諭

雲衢研究易理鄉闈文借易義發揮為主司賞舉於鄉詩人微畧

摘句 畫有客求隨意寫書無錢買用心鈔

詩書未賣留兒讀菽水能供賴婦賢

黃言蘭

字秋浦番禺人嘉慶丙子舉人官四川知縣

秋浦人近溫醇最工小楷人以翰苑期之惜年不永耳松軒隨筆

摘句 夕陽京口樹細雨廣陵城

人間盡向忙中老底事青山也白頭途中見雪山

藝談錄卷下

吳家樹

字石屏番禺人嘉慶丙子舉人官瓊山縣訓導

石屏灑脫不羈在海南聞買雛姬數人教之度曲戚友來輒

命歌以為樂此種風味冷官所少也松軒隨筆

摘句 拋書便覺心無着得酒真疑句有神

止酒每慚無定力讀書隨處有疑團

吳家懋

字菊湖番禺人嘉慶庚辰進士官歸順州知州

菊湖別入自廣西歸一日過余談病自言無病惟足趺覺腫

耳余問多飲紹興酒乎曰否多飲武彝茶乎曰否多食生果

乎曰否余曰必多食寒濕之物乃至此菊湖曰每坐至二鼓

食粥乃寢如是兩年余曰是矣速服附子理中湯金匱腎氣

丸乃可保全菊湖特壯不以為然百日後腫過膝卒松軒隨筆

摘句 大義難逃弒高風自得仁過夷齊廟作

劉熊 字湘華番禺人嘉慶丙子舉人

湘華句云溪山留我輩風月得仙心非方幅家所能及 嶺海詩鈔

摘句 曾聞地有興龍氣翻惜人無逐鹿才 龍川尉

鄭灝若 字萱坪番禺人拔貢生

萱坪為荔鄉太守之孫總角有瑤環之譽 玉壺山房詩話

摘句 江流朝復暮山色古猶今

明朝是寒食細雨近黃昏

郎是男兒憐屈子儂因女子愛曹娥 珠江競渡詞

簡鈞培 原名厥良字夢巖順德人嘉慶己卯舉人

夢巖少日工制藝詩筆爽朗而少蘊藉 聽松廬詩話

摘句 亂峯青不斷孤樹綠無依

情當久客原多感事到隨人便覺難

藝談錄卷下

三

孔繼勳 字熾庭南海人道光癸巳進士官翰林院編修

熾庭尊人復之明經與余同游洪瑤圃先生之門惜中年遽

理玉樹熾庭能讀父書余見之輒思故人不置也 嶺南羣雅

嘉慶癸酉歲暮熾庭過余請籌百金以濟急需余即籌與之

次年二月如約歸款蓋其時樂昌卑方受訟累也數年以來

盜賊縱橫連陽雄韻兩卑皆被大害而樂昌一卑獨享大利

所入數十萬惜乎熾庭不及見矣 松軒隨筆

摘句 霸王留香餘尺土美人埋玉自何年 花田

張思齊 字賢仲順德人優貢生官教習

無山為葯房先生仲子出嗣玉洲孝廉耽吟詠善畫梅 茶村詩話

摘句 薄雲常漏月小雨便疑秋

握手共看衣上淚關心頻問篋中詩

李黼平 字繡子嘉應人嘉慶乙丑進士官昭文縣知縣

繡子以翰林改官知縣緣事望誤繫獄數年可謂文人之至

厄矣 譚玉生云繡子胸有積書故能自出機杼楚庭耆舊集

摘句 故山遼絕無歸夢名士貧來有宦情送石亭之保定

江流計日終歸海客夢驚寒不到家鎮江夜泊

人多說夢到家此說夢不能到更難為情聽松廬詩話

吳蘆修 字石華嘉應人嘉慶戊辰舉人官訓導

石華自榜其門曰食四十兩俸藏三萬卷書今書多出售矣

石華專工填詞吾粵詞家屈翁山多蘇辛格調若石華則南

唐南宋出以天然詞筆天生一時無兩聽松廬詩話

摘句 但得身閒如野鶴不妨官冷似梅花送鐵孫之官葉城

二分明月憐吹笛一路梅花送出山因對句佳錄之

藝談錄卷下

李光昭 號秋田嘉應人諸生

秋田初到羊城時謝澧浦太史主講粵秀秋田投詩為贊澧

浦大稱賞之劉樸石太史亦附和之於是秋田詩名日起温

謙山舍人輯詩海文海秋田實襄厥事然見聞未廣不免疎

漏聽松廬詩話

摘句 黯然別者魂悲哉秋為氣錄別

脩到秋林作蟬噪也須風露飽平生偶題

温 訓 字伊初嘉應人道光壬辰舉人

伊初之父官汀州伊初獲親炙伊墨卿太守墨卿為之延譽

伊初喜為古文聲貌頗似然急於瞰名非實學也聽松廬詩話

摘句 山川歸我眼霜雪到人頭

懷人情共滄江覽古心爭夜月明

黎應鍾

字楷屏順德人貢生官都陽縣知縣

楷屏性好神仙志超凡俗以為斷慾素食更講求運氣導引之術遂可得仙余嘗規之以為節慾節食可却病延年若神仙則斷無是事而楷屏不以為然入羅浮卜居於山背得泉甚喜名曰良泉繪圖徵詩焉君既歿君之孫召民儀部

兆棠

癸丑進士官禮部主事自少即博覽書史亦好為詩

摘句

繁華無地容秋色澹蕩有人彈古音

泛舟珠江聽友人琴

桂花香裏千家酒明月光中廿四橋

中秋夜雜揚客舍

李國龍

字躍門南海人監生

躍門以畫蝶名有百蝶圖名流多為題詠

聽松廬詩話

摘句

淡雲孤雁影涼柳萬蟬聲

柳堂江閣晚眺

近水到門雙白鷺遠雲帶屋半青山

題子楠樂圃

藝談錄卷下

邵

詠字子言電白人拔貢生

子言篤學之士受知於翁覃溪先生家貧授徒自給秀子璞

司馬

現

其高弟也子晉衡諸生善畫人物兼工花卉

松軒隨筆

摘句

半畝菜花黃似酒幾竿風竹澹如人

陳仲卿招同南翁飲菜花居

劉世勛

字益之山陰人官鹽運使經歷

益之為謝里甫太史外孫蔡春帆太史督學湖南曾延入幕

襄事旋里後賦閒十載近始得一鹽經歷官益之寡嗜好惟

好吟詠其詩純任性靈有時亦能達人意中所欲語

聽松廬詩話

摘句

貧無俗骨原非病詩有仙心或可傳

感懷

半世祇緣謀利拙一生惟怕受恩多

微名縱使畱身後萬事難過是眼前

事到劫來關地運人遭亂後各天涯

次謝子輝韻

劉廣禮 字寅甫番禺人嘉慶癸酉舉人

寅甫孝廉駢體文鏤金錯采時仿唐人而詩卻沿宋格 茶村詩話

摘句 書任我觀難盡讀花如人病亦須扶

人家桑柘村邊屋盡入濛濛濕翠間

劉廣智 字智孫番禺人道光辛巳舉人

智孫生平喜治古文歿後搜羅竟無一存者 楚庭耆舊集

讀離騷一首云秦楚縱橫際瀟湘放逐愁投身魚腹日進諫

虎狼秋一卷離騷作千年大雅留月明今夜讀山鬼泣啾啾

松心曰辭意沉鬱風格堅蒼可追步獨漉翁山 聽松廬詩話

摘句 舊病如潮來有信良朋似月不長圓

名要占先歸要早佛前儂自閉珠櫳 情天

名花短命翻為福休更泉臺唱我詩 彩雲

藝談錄卷下

李士楨 字東田番禺人嘉慶辛酉拔貢生

朱文正公撫粵時有孔雀飛出署外東田知之賦詩并孔雀

送還署內公見詩欣然以鮮荔支答之東田又賦詩以謝公

對廣州太守朱砥齋言之即以府案首畀東田東田於是入

泮二樵聞公賞識東田因贈以詩東田詩名由此而起 詩話

摘句 史為益智粽經為饋貧糧

憂國自零公子涕問天誰諒美人心 三閩大夫

桃花雨小東風大魚婢成羣白滿簷

蔡廷榕 字季材南海人貢生

季材貧而傲與陳仲卿交莫逆詩有真意 聽松廬詩話

摘句 才高妨命達家遠得身閒

書如良友肯相對月似美人能獨來

